



NTQ'UMA' TAJLAL
9-2009

KAWB'IL B'IX

KOLB'IL XJALAJ NKYE TZAJ TZYU',
AX AJ NKYE QET EQ'I'

KAWB'IL B'IX

KOLB'IL XJAL AJ NKYE TZAJ TZYU',
AX AJ NKYE QET EQ'I'

NTQ'UMA' TAJLAL 9-2009

KAWLAMAJ TZAN K'OLOJ XJAL TWITZ PAXIL

TUJ TNAB'L:

Tuj kaw Tujal te Paxil kykawlawj twitz qamaq' tzan kyqet oksla' ti'j kyolen kyxol kyaq'il xjal; welal aj nya'tx kye nab'il naqe xjal, ntzaj kyila' il kyi'j xjal, ti'j kynab'l xjal, nqet eqi' tzan tqet xhcha'; at toklen te paxil tzan tzwan k'olb'il kyxol xjal, tzan kyqeten ky'i jun tk'ujlal ikx titza' kawlamaj, wokeyon kyaq'il omb'il tzan k'on tky'ik il kyxol, tzan tel iq'let kyaq'il iq'imj kyxol k'wal, kuxon, xuj, xjal kyajnaqe' b'ix kye tijxjal.

TUJ TNAB'L:

Twitz te paxil ojuw tky'exb'e' ky'i jun ky'ik'b'il tzan k'on tky'ik il, oqet kyximo' ti'j iq'b'il kyij' xjal, ja' ajun tkyik ky'ij xuj b'ix K'wa'l, tolen kytz'aqtza' tuky'il junjunky laq'chik amaq' ja' nkye yolin ti'j il tzajnaqe' tuj junky palaj, tzan k'onky tky'ik te il ky'ij xjal, tzan tb'antik kyxik kykawla' tuj junjunky amaq', tzan kyq'apon tumelil matx ja' poral tky'ik te il, tzan kytzkyet kye ilal il b'ix tzan tqet kykolo' kye xjal iq'maj, kykolotz tuky'il kyaq'il kyoklen aj kawlamja tzan kye maq'.

TUJ TNAB'L:

Twitz te poaxil oqet kykawla' ky'i txq'anky omb'il swa' tzan kye junky palaj amaq': kykawla' ti'j 182twitz kyaq'il aq'unj tuj kyaq'il amaq' "tzan k'on kyaq'unan kye tal k'wa'l" tkajlen kykawla' kye amaq' tzajnaqe' tuj junky palaj ti'j aq'un tuj tajlal 29 b'ix 105, ja nyolin ti'j "aq'unj aj nkye oklajo' k'wa'l ti'j" b'ix tzan tel iq'let b'eyx te aq'un" Tkalen kykawla' ti'j tk'olb'il te k'wa'l tzan k'on kyxik k'ayi', kyoklen lajo' ti'j kyik'b'il kychijel b'ix b'aq'u" ja ntkawla' te amaq' tzan k'onky tky'ik b'ix tzan tky'ix tuj kywi'.

TUJ TNAB'L:

Iliti'j tzan tjaw kawlet tzan k'onky tky'ik te iq'i'mj
kyi'j xjal ky'i' chukchaq tumelil: tqelen kyk'ayi' ti'
xhchijel, aq'unj, aq'unal wab'j, kyqelan kywayi',
kyoklen junan kab' kyk'u'j, tky'iklen kytzoqpi'
kayjelj, cha nqet kyk'ulu' kyib', kyelen eq'i' kyi'j,
naq' aj nkyeky'ik tuj txq'anky amaq'; b'an tzan
xik swa' jun omb'il kyii'j, tzan kyonen xnenb'il
kyxol xjal, tuky'il kyomb'il kya aq'unon b'ix nkye
yolin ti'j il.

TUJ TNAB'L:

Te paxil ajaw tkawla' ti'j oklenj tetz. K'wa'ltzan
tkaj kykawla' ti'j aj nkyxjerlu' kye xjal kolb'il kye
k'wa'l b'ix tijxjal tzan k'oky kyqe' eqi'; tzan tkolon
te kawlamj ky'ij k'wa 'l b'ix tijxjal, b'an tzan tkaj
tkawla' te qamaq' paxil ti'j kolb'il k'wa'l b'ix tij
xjal, ti'j xhwinqlal ky'i jun tumelil, tzan k'on tqet
eq'i', chamb'il, taq'ikal tkajlen tzwa' tib'.

TUJ TNAB'L:

Tuj te kyikb'ilb aj ntza'n k'onin ntq'uma' kolb'il
kyi'j kye k'wa'l, ilti'j tzan tjaw tzaqtzlet kyuj kye
kawlamj aj nkyolin kyi, nkyk'ulu' ti'j jun ky'eb'enj
ky'i tumelil, abl kyewtz kye kawlamj b'ix kye
ky'expib'l ky'ij kye yol aj ekyeqet b'ix tzan tjaw
kyin kyoklen kye k'wa'l ti'j kye iq'imj, nkye ok
lajo' ti'j kyi jun q'obj'il.

IKXJAN:

Titza' kyk'uluj ti'j kyaq'il aj atqex tuj a) txolb'il 171 tuj Kaw U'j tetz Paxil.

NTQ'UMA':

Ja' ntzani':

**KAWB'IL B'IX KOLB'IL XJALAJ NKYE TZAJ
TZYU', AX AJ NKYE QET EQ'I'**

► TOQIL JUN

KYAQ'IL AJ KYQ'UMAJ

Jun xtxolb'il. Aj ntzeqe te kawb'il.

Te ja ntzani' noklil tzan k'on tky'ik, tzan tqet kytzyu', tejk'u' til b'ix tzan tel b'eyx aj nkye tzaj tzyun xuj, tzan k'onky kyqet eqi', kolb'il xjal aj nipan il b'ix chojb'il te il b'ix kyaq'il aj tzajlen kyila'.

Kab'e' Xtxolb'il . xiklen aq'sa'.

Kyaq'il xiklen aq'ik ti'j te kawlamj:

- a. **Ewj:** nqet tewa' ja tzajnaq te xjal ilal il, noken te eb'il kytza' xiklen tzwa' tumelil. Confidencialidad
- b. **TKolb'il tetzqx aj:** kyaq'il xjal aq'sal il b'an tzan tqet kolet tzan tkamb'an ti'j tkolb'il ax kye toklenj.
- c. **zan k'onky tqe' eq'i':** titza' nxik teq'i' te kawlamj, b'an tzan tel teq'i' kyaq'il aj nswan il ti'j, ttab'l te xjal aj nipan il.
- d. **Aj nte'e' toklen te tal k'wa'l b'ix tal xuj:** kyaq'il aj nkye ok elet kyij kye tal k'wa'l, b'an tzan tkamb'an te k'wa'l ti'j aj nkykawla', tzan tqeten tuj jun tb'anil najb'il, tzan tok te'e' tb'anilal xhwinqlal tzan tkyix tuj kywi' aj ate' kyoklen ky'ij.
- e. **Tzan k'on tel ik'o':** kyaq'il xjal aj iq'imaj oky'ex tuj twi', tuj kyaq'il tilil, qa kolb'il ti'jx, xjal iq'imaj, nlay tz'el pawa' ti'j tkyaqel, taq'b'i', tjawsb'il, tijajil ja junky toklen.
- f. **Tokeln tzan tqeten kyxol:** nkytzeqe' kye xjal ilal il, b'an tzan kyqet picho' b'ix tzan kyqet tzyu' tzan xik eq'i' jun tumelil, b'an tzan tok e'e' kyaq'il tumelil tzan tzun tqetewn tuj omb'il, ikx titza' tok e'en taq'bi'.

- g. **Tzan kyqet oksla' ti'j xjamb'il:** b'an tzan kyik'un qxjamb'il kye qxajlil tuj pich'b'entz, tzan xik ane' kyi jun tumelil.
- h. **Tpakb'alil:** at toklen te xjal tqelen tzyu' tuj tb'ey, tzan xik tq'uma' ja atqet, tzan tzwan tpakb'alil tuky'il tuj tjay b'ix tuj tamaq' ja tzajnaq.
- i. **Aj ntb'isu' ti'j kyanqb'il:** Yxjal aj nky'ik il ti'j okye xel onlet kyi jun tb'anil tumelil tzan tjaw tin tib', tzan tel tin tiqb'il tzan tb'antik tjoyon junky aj nxjelu'.
- j. **kayayan:** kyaq'il tumelil aj tzib'akaj tuj te kawlamj, b'an tzan tqet kyk'ulu' ximamaj ky'itza'.
- k. **kyikb'il taq'b'i' te kw'al:** ja k'onti'l okslamj ti'j taq'bi' te k'wa'l ikx titza' ntyoli' tujal tzan xb'ak'on, okye xe'l ti'j eb'il kyaq'bi'.
- l. **Tzan tkamb'an ti'j toklen:** tzan taj meltz'u' ti'j kyaq'il toklen tqelen eq'i' ti'j te xjal.

Toxi' Xtxolil:

nky'ix tuj twi', tzan tok kyswa' b'ix kye kawb'il. Ja ntzani b'an tzan tky'ix tuj kywi' ti'j kyaq'il kyoklen, kyoklen ti'j, omb'il tuky'il txqa'nky kawlamj tzan kye amaq' tzan tjw kye'e' twitz paxil nkykawla' ti'j toklen e'e'.Kyaq'il aj k'onti'l atqex tuj te ja kaw U'j, b'an tzan xik kyin tumelil tuky'il tilil.

► TKAB'I' TOQIL

AJ TZ'IB'AL KAWB'IL B'IX KOLB'IL XJAL AJ NKYE TZAJ TZYU', B'IX AJ NKYE QET EQ'I'

Tkaji' xtxolil. Tzib'al kawb'il kolb'il xjal aj nkye tzaj tzyu', b'ix aj nkye qet eq'i'.

Oqet kawlet ti'j jun tz'ib'on kawb'il kolb'il xjal aj nkye tzaj tzyu', b'ix aj nkye qet eq'i' titza' tuj kyq'ab' kye kyitzale' twitz paxil, ojawel tin tib' ti'j ikx titza' kawlamaj.

Aj tz'ib'al tetz aj tz'ib'on, wab'amaj tzan tkab'i' twitzale' eq'il taq'un paxil.

Tjweb'i' xtxolb'il. Xilen swa' tajwalil te tz'ib'on.

tz'ib'al kawb'il kolb'il xjal aj nkye tzaj tzyu', b'ix aj nkye qet eq'i', tzan tok kye'e' aj ikxjani':

- a. kawlayon b'ix nimsayon tzan k'on tky'ik chukchaq il kyxol aq'unon tzan kykolet te xjal aj nkye tzaj tzyu', b'ix aj nkye qet eq'i'.
- a. Uterne'xik xuquje' unik'oxik ri kk'ulmataj ruk' we taqanik, cholchak xuquje' ri uchakuxik jas nu ri kajawaxik xuquje' koqixani'x ri usuk'umaxik.
- b. b'an tzan kyawlet kye tumelil b'ix tilil tuky'il kyaq'il kye aq'unon twitz paxil ikx titza' kykamb'atz.
- c. xik kyin b'ix tqet kyxima' kyaq'il tumelil, kawb'il tzan tjaw kyyak'u' token titza' nkyb'isu' b'ix tzan kyakwlan ti'j kyxnaq'tzb'etz.
- d. kyk'ulun titzb'alil kawb'il, tzan kyt'x'olb'an tumelil t'nab'l, tomb'il twitz kyaq'il paxil b'ix twitz qamaq', tzan xik eq'i' kyajlal kyaqel, b'ix kyaq'il kyijajil b'ix kyxjamb'il aj k'ont'i' nkyoksla' twitz kynajb'il, kyaq'b'i', xjamb'il, kyyol kye q'umal tpakb'alil b'ix najb'il swal kyaq'il aj nkytzeqe'.

- e. b'an tzan txik q'apet kawlamj, pakb'enj, kawlamaj tzan tok te'e' te eq'il tumelil twitz paxil kyi'j kye k'wal b'ix k'uxon.
- f. tzan xik kyin tajb'en xnaq'tzb'il tzan tel kyniky ti'j, tzan tok kyswa' kynab'l ti'j oj kytzaj tzyu' kye xjal, b'ix aj nkye qe' eq'i', kyxol aj ntzanije', kyxelb'il tuj kyb'eyil kye b'eton.
- g. tzan tjaw kytz'ib'a' b'ix tzan tjaw kyin kawlamj kakab' tzan kykolet kyxol amaq'.
- h. lajb'ib'l ti'j tokesb'il tzan xik eq'i' tajlal tzan tqex swa' xtx'olb'il aj xjal nkye qe eq'i'.
- i. b'an tzan xik txolb'let kyaq'il aj nky'ik il kyxol tzan tok kyotzqila', tzan kyaq'unan ky'i tumelil.
- j. tzan kyok lajet, ikx titza' nky'ik, xik kyi'q'i kob'chaq xnaq'tzb'il, tzan tjaw kyin tajlal tzan k'onky tky'ik te il, kolb'il, tzan kytenk'un il titza' nyoli' te ja kawlamj.
- k. b'an tzan kykawlan xnaq'tzb'il kyxol txq'anky aq'unon aj tzajnaqe' tuj junky palaj, tzan kyonen tuky'il tz'b'on, ikx titza' kyqanitz.
- l. tzan tqet kywab'a' kawlayon twitz kyamaq', nxjelu' b'ix ntachb'e' te tzib'on.

Qaq xtxolb'il. Kykajlen wab'a'.

A'e' kyetz swa'l tna'b'l te ja kawb'enj tzan kyb'etzan ti'j aj nkyb'isu' aj ti'j. Tzan tb'atik tok kyswa' tajb'en te ja kawlamj, te tz'ib'on kye oqtel twab'a' kyxol chukchaq aq'unon twitz paxil b'ix kye mulón tzan kye'e'n ti'j kye tzyul xjal, b'ix iq'b'il kyi'j.

► TOXI' TOQIL

NKYE KAWLAN TZAN K'ONKY KYQE' EQ'I' KYE XJAL.

Wuq xtxolil. K'ulumaj tzan k'onky tky'ik te b'aqb'il xjal b'ix iq'b'il ti'j xjal, aj nina' tuj xik tq'uma', tzan k'onky tky'ik nim il ti'j.

Wajxaq xtxolil: Q'umamaj. Nxik kyin tajlal, tuky'il te xjal otzqilal ti'j kolb'il tzan k'onky tqet eq'i', tzan kymiyon ti'j toklen, tzan tjaw eq'i' ti'j toklen.

Mulón aj b'an nim kyotzqi' ti'j, tzan kyswan tume'l, b'an tzan tjaw kytz'ib'a' u'j ja nyolin tkolb'il xjal.

B'eljuj xtxolb'il. Kolomj.

kykawlatz kyib' kye mulón tzan tjaw tin ttab'l te xjal tqetlen mok'b'a', tjaw tin tib' txol tuj tjay, tzan tqet kolo' ti'j taq'b'i', tkyaqel b'ix tijajil. b'an tzan tqet ximlet kyaqil tpakb'alil te xjal ipal il. B'an tzan tok omb'il tuj xnaq'tzb'il ikx titza' tok e'en taq'bi' ja aj man nikite' kyok e'en.

Lajuj xtxolil. Iq'imj ti'j xjal.

Tzan token te ja kawlamj, nkyix tuj qwi' kyij aj, chukel qa kyk'olajilx, qa jetq tky'ik il ti'j, b'olsa' qa tpolen tnajsa' ttab'l, tqetlen iq'i' ti'j ttab'l, tqel len tjansa' stumin txilen tnajsa' ti'j toklen, tzajlen kyila' il. Ax nkye ipan il kye tuj kyjay aj kye koloj tzan k'on tky'ik il kyij.

Lajuj tuj jun xtxolil. Toklen te xjal.

Kyoklen kye xjal aj nkye qe eq'i', aj ntzanije':

- a. Nqet tewa' ja tzajnaq b'ix ab'le' nkye najan tuj tjay.
- b. Tzan tqet tnimsa' tib', ti'j ttab'l tzan tzan tqet oksala' tzan txqanky xjal.
- c. Kyula'in kyib' tuj kyjay.
- d. B'an tzan xik xnaq'tza' ti'j tumelil oj tqet pich'o', tzan b'antik tkolon tib' tuj junky yol.
- e. Oxel xnaq'tza' tzan jun xjal aj nky'ix tuj twi' ti'j te yol tzan tb'antik tkolon tib'.
- f. Kyuky'il kye tal k'wa'l, oqtel twab'a' jun koloyon aj olapetel kyuky'il.
- g. Tqelenten kyila'j q'ij twitz paxil xiklen iq'let tilil te il ti'j xjal iq'imaj.
- h. Chojb'il tqelen eq'i' te xjal.
- i. Kolb'il ti'j kyaq'il toklen tqelen eqi' ti'j b'ix toklen xob'sa', titza' tqelen eq'i'.
- j. Tzan tjaw tin tib', tzan tqet oksla'.
- l. Kyaq'il aj oklenj tz'ib'amaj tuj ja' uj, nlay b'an tik tqet ewlet b'ix tzan k'on tqet ewa'.

Lajuj tuj kab'e' xtxolb'il. Xiklen swa' toklen.

Tzan tk'amoy toklen, tkolet b'ix k'onti'l b'ix ti'j, kyuky'il txq'anky, a'e': xhwinqlal ti'j kyaq'il, tb'anilal, xnaq'tzb'ib'ib'l tb'anilal xhwinqlal, nkyula' kyib', tjaw kyin chalajsb'il, xnaq'tzb'ib'l te kyetz, tzan kychalajsan ti'j kyaq'il aj titza' tz'ib'amaj tuj te Kaw U'j tetz Paxil, kawlamj, tqetlen kykawla' aj nkye oken twitz paxil.

Lajuj tuj toxi' xtxolb'il. Xiklen swa' taq'el.

Qa at tpakb'alul til, oxel chimet kyaq'il tumelil toklen ti'tza' ntoli' tuj kawla'mj, b'an tzan xik q'umlet b'eyx ky'uky'il kye eq'il tumelil il, kyaq'il te q'umb'il okajel tuj tq'ab' te mulón b'ix k'onti'l tzan tel tq'uma'.

Lajuj tuj kaj txxolb'il. Xnemb'il kyi'j b'eton

Qa k'onti'l nkye ilan il tuj junky palaj amaq' at kyoklen tzan kytenqet qxjalil, kye mulon e'el ky'ij b'eton, chin ttab'l ti'j:

- B'an tzan tok kyswa' nim kynab'l tzan k'on tky'ik il kyi'j qxjalil txax'm ja nponb'aj txx'otx' paxil.
- Wokel b'an kye'e' kyujal kye xjal tzan tel kyniky' ja' tzajnaqe', tzan k'on tjaw kynik'o' kynajb'il.
- Wokel kyswa' kynab'l ti'j tijalil te k'wa'l tuky'il te tijxjal aj eq'il tetz.
- ilti'j tzan kyjoyon tumelil tzan tb'antik tok kychan tin te xjal, titza' nkychimo' kyib' tuj iq'b'ib'l te xjal.

Lajuj tuj jweb' txxolib'il. Tpakb'alil kyxol kye aq'unon

Qa kye b'etzal il wokel kychan jun il ikx titza' kawlamaj, oxel tq'uma' tetz te xjal ab'le' aj kye koliyon ti'j.

Qa jun tal k'wa'l te aj nkyik il ti'j, te b'etzal il aji oxel q'uman kyuky'il kye pujul il ky'ij k'wa'l tzan taq'ik te'en ti'j te kolb'il.

Qa te aj nky'ik il ti'j jun xjal tzajnaq tuj junky amaq', oxel tq'umatz kyuky'il kye xjal aj eq'il kyajlal ja tzajnaq'.

XJAL AJ NNAJAN TUJ JUKY AMAQ' B'IX NKY'IK IL TI'J B'AN TZAN TAJTZ MELTZ'B'IL TUJ TAMAQ'

Lajuj tuj qaq txxolb'il. Tumelil tzan k'on tky'ik il.

Xjal iq'imaj wajel metzlet tuj tamaq', max oj tb'antik sten tuky'il aj e'el ti'j kyijajil, aj okajel silet tuj kyq'ab'.

Okawlayon te paxil ti'j kyaq'il aj aq'unj tqelen kyk'ulu' tuky'il jun aj amaq', tqanitz ti'j aj junky, tqetlen kyk'acha', tzan k'onky tky'ik il ti'j.

Kye aj nkye ok il ti'j kyaq'il, kye nab'liyon ky'i tumelil tuj kywitz kye k'wa'l, a'e' kyetz okyeb'ajel tzan taj kysama' kye k'wa'l.

Tuj kyaq'il, k'olaj xjal e'e'l kyi'j qxjalil tuj junky palaj qamaq', kyuky'il swal kyajlal tujal xjal, tzani' owelal kyniky ti'j te xjal aj nky'ik il ti'j tuj junky amaq', tzan tb'antik kykolon txjalil te paxil aj ja' akyeqet.

Lajuj tuj wuq xtxolb'il. Tumelil Tzan tajtz meltz'u'.

K'olaj e'el kyi'j xjal oqtel kymoanela' aq'unj ja tzajnaqe', tzan kykamb'an ja tijajil te xjal, titza' atqex tuj kyu'uj kye kolol kyoklen xjal, oqtel kykolo' te xjal titza' toklen b'ix tok e'en. K'onti'lky il tzan taj sama', b'an tzan tqet q'ana', ax ti'j xiklen e'e' twitz te amaq'.

Tzan tb'antik taj meltz'lete te xjal tuj tamaq' aj ja' tzajnaq, nlay b'antik tel iq'let tzan taj. Qa te xjal k'onti'l nijunt tujal, kye b'etzal kyi'j xjal okye okel joyon, junx tuky'il mulon twitz tamaq', te u'j wokeyon tzan tb'antik taj meltz'jik tjay.

Lajuj tuj wajxaq xtxolb'il. Toklen te xjal aj nkye ajtz meltz'u' tuj kyamaq'.
Kye b'etzal kyujal xjal kyswa'tz, tumelil, aj kyoklen ntzanije':

- Oxel xnaq'tza' b'ix twab'atz ti'j tumelil tb'ey, tuky'il te mulon.
- Tqetlen kolo' toklen, tzan tjaw tin tk'u'j kawlamaj tzan kye mulon.
- Wokel one' tzan tzaj q'olb'en tuky'il stat ja' tzan tok e'e' tnajb'il.
- Kawb'il kyxol txq'anky aq'unon tzan tel kyniky' ja' tzajnaqe' te xjal, tzan xik e'e'.

Lajuj tuj b'eluj Xtxolb'il. Kawlamj kyxol aq'unon, tzan kyonen kyi'j xjal.
Kolol ti'j xhwinqlal xjal b'ix ax e'el kyi'j xjal aj tzajnaqe' tuj junky palaj te junky amaq', b'an tzan kykawlan, kyonetz b'ix kypich'on ti'j:

- Tzan xik kyeqi' tumelil kye aq'unon tzan tqet kykolo' ti'j xjal aj nqe eq'i.
- Tkajlen kykawla' ti'j kyoklen kye xjal tzan kyaj sama' qa tzan kyxik oksla' ti'j aj nkyqani'.

► TKAJI' TOQIL

KYQAQ'IL KYE IL AJ NKYQ'UMA' OJ TZAJ KYTZYU' JUN XUJ, NQETLEN TEQI' TIJ JUN XJAL

Winqi' txolb'il.

Toklen kytzaqtza' ti'j tajlal qaq tuj te txolb'il 51 aj kawlamaj tzaj kye pujul il, ntq'uma' tuj te tajlal 17-73 tuj te ninjayil twitz paxil, akaj kytz'i'b'a' ikxnaji':

“tuj tqaqi’. Kyaq'il kye ilal il titza' nkyq'uma' te txolilb'il ax tuj te techalul jun b'ix toq'il toxi'.

Winqi' tuj jun txolil.

Toklen tz'aqtzlet tuj tjweb'i' tajlal. Tuj txolb'il 107 kyaq'il techalul tujal pujul il, ntq'uma' tajlal 17-73 kawlamaj twitz paxil, akaj kyswa' ikxjani':

“tjweb'i’. Kawb'il exiklen eq'i' tilil te il titza' q'umamaj tuj techalul jun b'ix kab'e' tuj toqil ox tetz tujal kab'e' yik'imaj tuj tujal pujb'il il.

Winqi' tuj kab'e' txolb'il.

Kytz'aqtzaj tuj tajlal qaq. Tuj te txolb'il 108 kyikb'il tuj tujal pujb'il il, ntq'uma' 17-73 kawlamaj twitz paxil, okaj ikxjani':

“Tqaqi’. Tzajlen kyila' il ti'j tal k'wa'l, okye aq'el ti'j atxqet tzajlen kyila' te il b'ix max tjakon ti'j taq'b'i' te k'wa'l.”

Winqi' tuj ox txolib'il.

toklen tzaqtzlet tuj txolb'il 150 tuky'il kyikb'il tuj tujal pujb'il il, ntq'uma' 17-73 kawlamaj twitz paxil, okaj kyswa' ikxjani':

“txxolb’il 150. Iq’imj kyij tal k’wa’l.

Ntjoyo’ tume’l tzan jax tjaw q’ojlik te xjal, nqet teq’i’ ti’j, tzan ja’x tipan il te k’wa’l, otzajel tila’ kab’e’ qa jweb’ aq’b’i’ tuj xk’o’p, nlay b’antik tko’t.

Winqi’ tuj kaj txxolb’il.

Jawlen kyexplet tuj txxolb’il te 151 tuj yikb’il tujal il, ntq’uma’ te tajlal 17-73 tzajlen kyna’o’ twitz paxil, okykawlaj ikxjani’.

“Txxolb’il 151. Oj tkyik kyswa’ kyab’il oj tzaj kytzyu’ xuj.

Tzan jax tkyab’tik te xuj naqe’ aj ntkyab’t’e, Aj nky’ik tzawa’ kyab’il ti’j junky xjal, tzajel tila’ kab’e’ qa kaje aq’b’i’ til. Qa te iq’maj jun tal k’wa’l qa kyajnaq’, jawel tajla’ ky’ila’j til.”

Winqi’ tuj jweb’ txxolb’il.

Toklen tzaqtzlet ti’j txxolb’il 156 tuj kyik’b’il tujal pujb’il il, ntq’uma’ tajlal 17-73 kawlamaj tzan kye twitzale twitz paxil, aj okykawlaj ikxjani’:

“Txxolb’il 156. Nkya nok lajo’ aq’unon kye tal k’wa’l aj k’onti’l nqet tuj kywitz. At ab’le’ nkye ok lajon tal k’w’al ti’j kyaq’un aj ja’ nyatx b’an tzan kyaq’unan b’ix okye kyab’tel, at ti’l tzan tqex lamo’ kab’e’ qa kaj aq’b’i’ b’ix oqtel xhchojo’ winaq latzaj qa qal latz’aj tmin.”

Winqi’ tuj qaq txxolb’il.

Tjawlen kyexpu’ ti’j kyb’in toq’il toxi’ tuj te u’j kab’e’ yikb’il tujal pujb’il il, ntq’uma’ tajlal 17-73 kawlamaj tzan kye twitzale’ twitz paxil, okaj ikxjani’:

“TOQIL OX aj Koliyon tzan k’on kytzaj tzyu’ kye xuj.”

Winqi’ tuj wuq txxolb’il.

Tjawlen ky’explet aj tb’in te toqil jun b’ix techalul ox tuj tkabi’ uj , ntq’uma’ tajlal 17-73 tuj tninjayul te paxil, okaj ikxjani’:

“TECHALUL JUN ti’j aj ntzaj kytzyu xuj”

Winqi’ tuj wajxaq xtxolb’il.

Tjawlen kyexplet te xtxolb’il 173 tuj ykik’b’il tujal il , ntq’uma’ tajlal 17-73 twtitz te tnijayil paxil, okaj kysa’ ikxjani’.

“xtxolb’il 173. Iq’imj. Ab’l aj, nqet teqi’ ti’j xjal, ntzaj tzyu’ xuj, tuj xtab’il qa tuj stzi, nok txmaku’ b’ix tzwa’ jun ti’ ti’j xhchijel xjal, qa nok tlajo junky xjal tzan tok swa’ tij xhchijel, oqtex lamet tuj xk’o’p wajxaq aq’b’i’ qa lajuj tuj kab’e’ aq’b’i’.

Nkyik ja l kyuky’il kye kw’al tuj kyaq’b’i’ lajuj tuj kaj, qa xjal aj kyajnaq’e’, aj k’onti’l ti’ ntq’uma’ tuj tnaab’il.

Tzajlen qet tila’ te il nlay b’antik tzan tekolo”.

Winqi’ tuj b’eljuj xtxolb’il.

Toklen tz’aqtzlet tuj xtxolb’il 173 kyikb’il tuj tujal il, ntq’uma’ tajlal 17-73 tqetlen kyawla’ tuj nimjayil te paxil, okaj ikxjai’:

Xtxolb’il 173 Iq’imj ky’i q’ojb’il. Qa at ab’l kyi q’ojb’il , ntzaj tzyu’ te xuj, qa kon ti’l tilb’en il oqtex lamo jweb’ qa wajxaq aq’b’i’ tuj xk’o’p.

“Nkyik te il kyij te tal k’wa’l aj lajuj tuj kaj kyaq’b’i’ ax qa jun xjal aj kyajnaq’ ax qa k’onti’l nb’antik tel tkolo’ tib’ tzan tpaj kontil ntzaj kanet tuj tnaab’il b’ix nlay b’antik tel tkolo’ ti’b’ ti’j til.”

Winaqi’ tuj lajuj xtxolb’il.

Toklen kytz’aqtza’ ti’j xtxolb’il 174 kyikb’il tuj tujal pujb’il il, ntq’uma’ tajlal 17-73 tqetlen kyawla’ tuj nimjayil twitz paxil, okaj ikxjani’.

“xtxolb’il 174. Xiklen tkyaqla’ te il. Tzan tok silet tilil til titza’ nkyq’uma’ kye xtxolb’il, jawel tajla’ tuj tkab’i tajlal til kyuj aj ntzanije’:

Tb’ay. Qa ntzaj tila’ ti’j kab’e’ xjal.

Tkab’i’. qa te ipal il tij xjal, k’ok’ yab’, ax je naj ttab’l, k’onti’l ja’ nex tzoqi’ nel eq’i’ toklen.

Toxi’. Eqi’ jun ub’l titza’ tzan tpaj nxhb’aqin, qa at junky ti’ noken titza’ tzan tqet teqi’ tij te xjal.

Tkaji’. Qa wokel xob’sa’ jun xuj ky’aqwaj nim til ntzaj tila’.

Tjweb’i. qa te ilal il tq’e’al, aji nxik e’e’n ti’j txnaq’tzb’il, nqet e’en tetz, nkye najan tuj kyjay tit’ tyoli’ te kawlamj.

Tqaqi’. Tzajlen tk’ulb’a’, okajel tzwa’ tyab’il ti’j te xuj tzajlen tzyu’.

Twuqi’. Qa te ilal il jun xjal aj at nim tmulb’il b’ix toklen.

Winaq lajuj tuj jun xtxolb’il.

Tjawlen kyexpu’ tb’in tuj tjwebi’ Techalul tetz toqil ox tuj te u’j tkab’i’ yik’b’il tilil il, ntquma te tajlal 17-73 tqetlen kykawla’ twitz tninjayil te paxil, tkajlen ikxjan:

“techalul jweb’ nyolin ti’j aj xjal aj ne’l kyq’ajab’ tij xuj”

Winqi’ lajuj tuj kab’e’.

Jaw kyexplet te xtxolb’il 188 tyikb’il il, ntq’uma’ te tajlal 17-73 tqetlen kykawla’ tuj ninjayin twitz paxil, okaj ikxjani’.

“xtxolb’il 188. Jiq’b’a’ tib’ tzan tzaj tzyu’ xuj. Ab’l aj nkye k’ulun, qa nok tlajo xjal tzan xhchan, kyiwitz tal k’wa’l qa kywitz xjal aj kyajnaq b’ix k’onti’l totzqi’, oqtex lamo oxe aq’b’i’ qa jweb’e’ aq’b’i’.”

Winqi' lajuj tuj ox xtxolb'il.

Tjawlen kyexpjik te xtxolb'il 189 kyikb'il tuj tujal pujb'il il, ntq'uma' te tajlal 17-73 kawlamaj twitz paxil, okaj kyswa' ikxjani':

"xtxolb'il 189. Qa nxik kyk'ayi' kyitzb'alil xuj skat kyetz tal k'wa'l, oqtex lamo' tuj xk'op oxe aq'b'i' qa jweb'e' aq'b'i', qa ab'l:

- a. Qa at ab'l nxik kyik'un tkayb'etz tal k'wa'l aj nya'tx b'an tzan tok te'e', k'onti'l totzqi' ti'j tajb'en.
- b. Nkyka'mo' tal k'wa'l tzan kyox e'el aj kyayb'etz tij xjal ja nate' xuj sqit.
- c. Qa ab'l ntjoyo' tume'l tzan xik kyswa' kyitzb'alil xuj sqit kyuky'il tal k'w'al.
- d. Ntk'amo' tzan kyloq'on tal kw'al kyitzb'alil xuj skat.

Winqi' lajuj tuj kaj xtxolb'il.

Tjawlen ky'expjik ti'j xtxolb'il 190 kyik'b'il pujb'il il, ntq'uam tajlal 17-73 kawlamaj twitz paxil, okaj ikxjani':

"xtxolb'il 190. Nok txob'sa tzan jax tzaj tzyu'. Qa at ab'lnok tlajo xjal, tzan jax tzaj tzyu' b'ix welal tetza', nel teqi' titzb'alil te xuj tzan tqet tkyexawi', oqtex swa' tuj xko'p jun ' qa oxe' aq'bi'.

Ax tzajel tila' aj, k'ontil tzaq'b'e' tetz, welal tetza', jawel tkyexb'e', noken ti'chq okensb'il tzan tok kye'e' xjal aj nkye tzkatajla', k'u'ume' tuj k'uxb'il tzan tok kye'e' xjal qa xhchukel, tzan tjaw tq'ojle' te k'ulul kwen tetz.

Aj ne'l pakb'an oqtex lamel kab'e' qa kaje aq'b'i', nkye etz teqi' txq'anxy tzan tex tpakb'a', telen nikyj kyi'j kye itzb'alil aj ntquma' te xtxolb'il".

Winqi' lajuj tuj jweb'.

Tjawlen kyexpik tb'in te techalul qaq tetz toqil ox tuj tujal kyikb'i tel pujb'il il, ntq'uma' tajlal 17-73 kawla' twitz paxil, okaj ikxjani':

“TECHALUL QAQ. Xuj aj nkye tzaj tzyu' b'ix nqet iq'i' kyi'j ”

Winaq lajuj tuj qaq txolb'il. Tjawlen kyexplet tuj txolb'il 191 kyikb'il pujb'il il, ntq'uma' tajlal 17-73 kawlamaj twitz paxil, okaj ikxjani':

“Txolb'il 191. Nimsb'il, ti'j xuj titza' tzan tok noj stumin. Qa jun nim xjal, nok lajo' tzan tkayin xhchijel, aj lajol tetz oqtex lamet jweb' qa lajuj aq'b'i' tuj xk'op, ax xhchojotz kab'e' winaq tuj lajuj qa qal b'atzaj tmin.

Winaq lajuj tuj wuq txolb'il.

Tjawlen ky'explet tuj txolb'il 192 kyikb'il pujb'il il, ntq'uma' tajlal 17-73 kawlamaj tuj paxil, okaj ikxjani':

“txolb'il 192. Nimsb'il ti'j kyk'u'j xuj tzan tk'ayin tib' ax at nim til. Kyaqil kye il aj tz'ib'amaj tuj txolb'il npujun tilil il, aj naqe' ntzanije':

- a. Tqelen eqi' tij te xuj kyaqwaj tuq.
- b. Aj ilal te il kyq'e'al kyib' ky'i te xuj, aji' ne'en tetz, nanq'ilan kyxol stat.
- c. K'onb'an tz'okslan.

Winaq lajuj tuj wajxaq.

Tjawlen kyexplet te txolb'il 193 kyikb'il pujb'il il, ntq'uma' tajlal 17-73 kawlamaj twitz paxil, okaj ikxjani':

“txolb'il 193. Kyila'j kyajlal tal k'wa'l aj nkye b'aj tzaj tzyu'. Qa at ab'l, tichq ntzuqu' tzan tzaj tzyu' tal xuj, tzan tqet teqi' ti'j, oqtex lamet tuj xk'o'p jweb' qa wajxaq aq'b'i', k'onti'l junky tilil kokel swa' ”.

Winaq lajuj tuj b'eljuj txxolb'il.

Nok tzaqtzlet ti'j txxolb'il 193 kyik'b'il pujb'il il, ntq'uma' tajlal 17-73 kawlamaj twitz paxil, okaj ikxjani':

"txxolb'il 193. Nok lajo' ti'j, titza' sten te omb'il tzan xik tkayi' tib'. Qa at ab'l te tetzxc , ntjoyo' tumelil tza tkamb'an tmin, oqtex lamo' ox qa jweb'e aq'bi' tuj xk'o'p."

Kab'e' winaq txxolb'il.

Tjawlen ky'explet txxolb'il 194 kyik'b'il pujb'il il, ntq'uma' tajlal 17-73 kawlamaj twitz paxil, okaj ikxjani':

"txxob'il 194. kyitzb'a'ilil tal xuj skat. Qa at ab'l ntjoyo' tume'l tzan tqet tk'ulu', skat xuj te kayb'etz ja netz xlinkub' naqex talon b'an ax, ja ate' kyilaj itzb'alil tal xuj, oxel tuj xko'p qaq b'ix lajuj aq'b'i' tuj xk'o'p b'ix xhchojotz kab'e' winaq tuj lajuj tmin qa jweb' b'achaq tmin".

Kab'e' winaq tuj jun.

Nok tzaqtzlet tuj txxolb'il 195 ja nkyik'un pujb'il il, ntq'uma' tajlal 17-73 kawlamaj twitz paxil, okaj ikxjani':

"Txxolb'il 195. K'ayb'ib'l b'ix tzipb'il kyitzb'alil tal xuj. Ab'l aj nex pakb'an, netz teqi' txq'anky titzb'alil, nex tk'ayi' tuj junky amaq', ntjoyo' tumelil tzan tqet tuj kywitz tal k'wa'l, oqex lamet tuj xk'op qaq b'ix wajxaq aq'b'i' tuj xk'o'p b'ix xhchojotz kab'e' winaq lajuj qa jweb'elatjaz tmin tzan tjatz kolplet".

Kab'e' winaq tuj kab'e' txxolb'il.

Owok tz'aqtzlet te txxolb'il 195 tuj kyik'b'il pujb'il il, ntq'uma' tajlal 17-73 kawlamaj twitz paxil, okaj ikxjani':

"txxolb'il 195. Aj nkyetza' kyitzb'alil tal xuj skat. At aj kyotzqi' b'ix ne'l kyloqo' itzb'alil sqite' xuj, kye tal k'wa'l aj k'onti'l kyotzqi' ti' tb'ajlen, ja nkye b'aj skatajla', oqtex lamet tuj xk'o'p kab'e' qa kaje aq'b'i' ".

Kab'e winaq tuj ox txxolb'il.

Tuj txxolb'il 195 tokelen tz'aqtzlet tuj te kyikb'il pujb'il yol, ntq'uma' tajlal 17-73 kawlamaj twitz paxil, okaj ikxjani':

Tuj txxolb'il 195. Kyuky'il kye xb'ak'ayon nkye xik k'ayi' kye itzb'alil skat xjal (xuj qa ichan) kyuky'il tal k'wa'l. qa at ab'l ntk'u' kyaqil aj ntzani' at til naqe aj ntq'uma' te txxolb'il, aj nkye k'ayin txol xjal aj nkye xb'ak'on, oqtex lamo' tuj xk'o'p qaq aq'b'i' qa lajuj aq'b'i' b'ix xhchojotz jun qal latzaj tmin qa jweb'e' latz'aj.

Kab'e' winaq tuj kaj txxolb'il.

Tuj txxolb'il 195 nok tz'aqtzlet, titza' ntikyik'u' te pujb'il il, ntq'uma' tajlal 17-73 kawlamaj twitz paxil, okaj ikxjani':

txxolb'i 195. Tzajlen tkyaqla' til. Kyaq'il tilil te il titzanx ateqex tuj kye txxolb'il 173,188,189,193,194,195,195 tz'aqtzlamj, 195 qa te ipal il taq'b'i' lajuj tuj wajxaq b'ix q aman lajuj tuj kaj; ky'el tuj tkaji' qa te ipal il jun xjal aj nina' tjakon taq'b'i' lajuj tuj kaj, ax oky'el tuj tkab'i' il qa te xjal mina tjakon lajuj taq'b'i'.

Kab'e' winaq tuj jweb'.

Tjawlen kyexpjik tuj txxolb'il 197 tuj kyikb'il pujb'il il, ntq'uma' tajlal 17-73 kawlamaj twitz paxil, okaj ikxjani':

"Txxolb'il 197. Xiklen tilil te il. Tkyaqb'il te naqe' ntq'uma' te toq'il ox tuj tkab'i' tuj tetz te ja kyikb'il pujb'il il, ntlajo kye ntzanije':

Tb'ay. Kyaq'il te k'ulb'enj b'an tzan kyotzq'ialn xjal b'ix kye b'etzal aq'unj.

Tkab'i'. Tzan tnajsan il te iq'imag b'ix tetz te chewsil il nya'tx ak'ix ji', titza' sten te il.

Toxi'. Xiklen tilil nlay b'antik tkaj txaqlet, kyaqla' b'ix kolan.

Tkaji'. Kya aq'unon a'e' kyetz aj okye koloyon ti'j te tal k'w'al tzan tpaj k'ontil ab'l kolol te tetz, ax qa at ti' kyij kykab'il tuky'il kolol te tetz. Akyet z at kyoklen tzan kykolon.

Tjweb'i. kye aq'unon a'e' kyetz kye b'ajel, qa te xjal konti'l stumin.

Tqaqi'. Kye e'e'l il at toklen tzan xik te'e' titza' nxik swa' te tb'elwab'j, qa otqanitz te xjal aj nky'ik il ti'l.

Kab'e' winaq tuj qaq xtxolb'il.

Tjawlen kyxb'e' te xtxolb'il 198 tetz kyikb'il pujb'il il, ntq'uma' tajlal 17-73 kawlamaj twitz paxil, okaj ikxjani':

"xtxolb'il 198. Tejb'il il ikx titza' atok. Kye xjal b'etzal il ikx titza' ntq'uma' toqil ox tetz tkab'i' u'j tetz kyikb'il pujb'il il wokel tz'aqtzlet ti'j til naqe' aj ntzanije':

Tb'ay. Qa te xjal ilal il tzajnaq tuj junky amaq' wajel lajet tzan taj tuj tamaq', b'eyx waq'il tilil te il.

Tkab'i'. Qa te ilal il jun xjal aj otzqilal kolb'il oklenj, ax kye oye xel samet kye kawlayon tuky'il, tzan k'on ti' tk'ayin tuky'i'l jun tajlal kab'e' wiqon ti'j te til.

Toxi'. Qa te xjal otzqilal nim ti'j totzqimb'il otzajel tila' til, wolal iq'let tmulil ky'ila'j aq'b'i'.

Tkaji'. Titza' ntq'uma' til, welal iq'let toklen ikx titza' aj tzajlen ti'la te il ti'j ttmulb'il"

Kab'e' Winaq tuj wuq.

Toklen tzaqtzlet ti'j xtxolb'il 202 tetz toxi' kyikb'il pujb'il il, ntq'uma' tajlal 17-73 tqetlen kykawla' twitz paxil, okaj ikxjani':

“xtxolb'il 202 ti'j toxi'. Iq'imj kyij' xjal. Jun il antzan nok kye'e' jun xjal naqe' jun txkup, nxik kysama' tuj junky palaj, nqet kymiyo xjal tzan tqeten kyuky'il txq'anky xjal tzan token kyitza' b'ix tzan tqet aq'una' kyaq'un.

Ab'l aj otzajel tila' te ja il oxel wuq qa lajuj tuj wajxaq aq'b'i' tuj xk'o'p b'ix xhchojotz oxe latz'aj qa jweb'e' latzaj tmin.

Nlay b'antik xik oksla' qa at ab'l kye koloyon ti'j b'ix ax te kolol tetz aj eq'il chewb'il til.

Tzan tpaj nkyeqet eq'i' kye xjal, nkyix tuj kywi' aji kye iq'b'ib'l kyij' xjal: nok kylajo xjal tzan xik kyk'yi' kyib' tzan kytzaj txyu' tzan ichan, nkye ok lajo' ti'j aq'un aj k'onti'l nqet tuj kywitz, nkye ok lajoo' ti'j ti'ch aq'unj, ax nkye ok lajo' tzan kykaj kyaqwaj b'ix ax nkye ok junb'e' kyij' ichan.

Kab'e' winaq tuj wajxaq xtxolb'il.

Nok tzaqtzlet ti'j xtxolb'il 202 ti'j kyikb'il ujb'il il, ntq'uma' tajlal 17-73 kajwlamaj twitz paxil, okaj ikxjani':

“xtxolb'il 202. Tjawlen kyajla' xjal aj iq'imaj.

Qa at ab'l nox tzamo' xjal, tzan jax tqet kyin ti'j xjal, nxik tzuqu' te xjal jun okyej, otzajel tila' b'ix oqtex lamo' tuj xk'o'p qaq qa wajxaq aqb'i'.

Wokel silet te il ikx titza' ntyoli' te tz'ib'amaj tzan tpaj nqet kyin ti'j tal k'wa'l; ax wokel swa' txq'anky til qa te talk'wa'l na nikite' mina' tjakon lajuj kyaq'bi'.”

Kab'e' winaq tuj b'eljun txxolb'il.

Tjawlen ky'explet tuj txxolb'il 204 ti'j kyik'b'il pujb'il il. Ntq'uma' tajlal 17-73 kawlamat witz paxil, okaj ikxjani':

"txxolb'il 204. Titza' naq'ik te il. Kyaq'il il aj kyik'umaj tuj te txxolb'il jawel iq'let nim tajlal, qa wit okyil kyxol naqe aj ntzanije':

Jun. Nxik kyewa' xjal tzan jax kyk'amon tmin, nqet kylamo', oxe qi'j.

Kab'e'. Nok kyxob'sa tzan tqet kykansa', k'ontil tuj kywitz oj tqet kylamo' xjal b'ix nqet b'an kyin ti'j.

Ox. Qa te il ila' tzan kab'e' xjal.

Kaj. Toklen swa' txxob'al b'an nb'isun, tzan tpaj ji qa ax junky ti' xik q'uma' tetz.

Jweb'. Tzan paj tkyiklen ti'j , najtnab'l, junjunel qa kob'chaji'.

Qa kye il naqe' aj ntq'uma' te txxolb'il 191, 192, 193, ax 193 junky'elky, 194, 195, ax 195 junky'elky, 195 toxi', 195 kyila'j el, 202 toxi' ax 202 kyaq'il, wokol tzaqlet te til qa oky'el ikxjani' kyxol:

Tjaw kyin tib' ti'j il.

Nkye ok lajo' tzan tpaj k'ontil ne'l tz'i',nqet kyexb'e' kyk'wa'l, njaw kyexb'e' tujal alamj.

a. Qa te ipal il jun xjal aj k'ontil nel tniky' ti'j toklen, konti'l totzqi' tzan tpaj tij xjal.

b. Qa te ilal il jun xjal aj nxik e'en tetz tuj xnaq'tzb'il, aj nik e'en tetz, aj junb'e' ti'b ky'i kyq'e'al, aj najan tuj kyjay junx tuky'il te xjal iq'maj ax tq'e'al stat.

c. Qa te ilal il koweyon ub'l titza', ax tuj tuk'b'ib'l xhb'a'j, qa noken ti'chq titz'a ikjin nok tzwa' tkyab'il te xjal.

d. Qa te ilal il jun xjal aj nxik e'en tetz tuj xnaq'tzb'il, aj nik e'en tetz, aj junb'e' ti'b ky'i kyq'e'al, aj najan tuj kyjay junx tuky'il te xjal iq'maj ax tq'e'al stat.

e. Qa te ilal il koweyon ub'l titza', ax tuj tuk'b'ib'l xhb'a'j, qa noken ti'chq titz'a ikjin nok tzwa' tkyab'il te xjal.

f. Qa te ipal il kyaqwaj.

g. Qa te ilal il jun xjal aj aq'unon, ax nim otzqimb'il titza' ti'j te aq'unj.

Oxel tej'k'u' kab'e' til naqe' ntyoli' kye txxolb'il 2011 b'ix 203, qa oxel kyin tilil kyuky'il kye mulón tzan tpaj te xjal mina' tjakon tuj taq'b'i'; wokel silet kaj til qa te kw'al mina' tjakon lajuj tuj kaj taq'b'i'; ax oxel tej'k'let kab'e' taq'b'i' qa te xjal mnia tjakon lajuj aq'b'i'.

Kab'e' winaq' lajuj txxolb'il.

Tjawlen ky'explet te txxolb'il 238 tuj kyikb'il pujb'il il, ntq'uma' tajlal 17-73 kawlamaj twitz paxil, okaj ikxjani': suposición

“txxolb'il 238. Tpakb'alil ala'mj. Qa at ab'l ntq'ajab'i' tzan tkaj kyaqwaj b'ix nok tjib'a' tib' ti'j aj nyatx tetz, oqtex lamo' oxe aq'bi' qa kaje aq'bi' b'ix xhchojotz jun tmin aj tajlal lajuj qa qal latzaj tmin.”

Qa te q'anon, b'ix kyaq'il te yoq'ol aji' ntzaj ilan tetz te il, toklen sw'a til, welal eqi' tmulb'il b'ix wokel swa' kab'e' til.”

Kab'e' winaq' lajuj tuj jun txxolb'il.

Tjawlen kyexplet ti'j txxolb'il 239 tuj kyikb'il pujb'il il. Ntq'uma' tajlal 17-73 kawlamaj twitz paxil, okaj ikxjani':

“txxolb'il 239. Tkyexb'ib'l jun tal k'wa'l kyijunky k'w'al. Qa at ab'l oqtel tkyexb'e' tal ne' ky'i junky tal ne', oqtex swa' tuj xk'o'p wajxaq qa lajuj aq'b'i'b'ix xhchojotz qal latz'aj tmin qa tzun jweb'elatza' te kolpb'il tetz.”

Kab'e' winaq lajun tuj kab'e' txxolb'il.

Tjawlen ky'explet te txxolb'il 240 tetz te kyik'b'il pujb'il il, ntq'u'ma' tajlal 17-73 kawlamaj twitz paxil, okaj ikxjani'.

"txxolb'il 240. Qa jawel kysun b'ix oqtex kychakla' tujal jun xjal.

Oqtex lamo' tuj xk'o'p jweb'e' aq'b'i' qa tzun wajxaq aq'b'i' b'ix xhchojotz qal latzaj tmin qa tzun jweb'e'latzaj tmin tzan tkolpjik, qa ab'l:

Jun. Qa at ab'l oqtel tz'ib'a' tujal jun xjal aj nyatx b'an ax, b'ix oqtel xhchakla' tujal xjal.

Kab'e'. Oqtel tnik'o' toklen tkajol tzan jax tzan k'on tetzan toklen.

Ox. Oqetel kytz'ib'a' itz'len jun k'wa'l b'ix oxel tzama' kyetz te k'wa'lon.

Qa te a'unon otel tk'ulu' tujal jun xjal aj nyatx b'an x b'ix oqex tza'w' tajlal tuj iq'b'ib'l kyujal xjal, oqtex swa' qaq aq'b'i' qa tzun lajun aq'b'i' tuj xk'o'p b'ix welax eq'i' tuj taq'un tzaj len tila' te il."

Kab'e' winaq lajun tuj ox txxolb'il.

Nok tz'aqtzlet ti'j txxolb'il 241 tzaq tza' tuj kyikb'il tujpil il, ntq'uma' tajlal 17-73 kawlamaj twitz paxil, aj okaj ikxjani'.

"txxolb'il 241, tk'walitz jun k'wa'l aj nyatx tk'wa'l. qa at ab'l nqet tkw'ali' jun xjal naqe talon tk'wa'l, nxik tzuqu' tic'hq tetz te xjal, b'ix ikxji' tkamb'atz, otzajel til b'ix oqtex lamo' tuj xk'o'p ox' aq'b'i' qa tzun jweb'e' aq'b'i' b'ix xhchojotz tmin winaq latzaj qa tzun qal latzaj.

Ale'x tuky'il te ja il b'ix k'ontil nok swa' tilil txq'anky til."

Kab'e' winaq' lajuj tuj kaj txxolb'il.

Nok tzaqtzlet ti'j txxolb'il 241 tuj kyikb'il pujb'il il, ntq'uma' tajlal 17-73 kawlamaj twitz paxil, aj okaj ikxjani':

"txxolb'il 241. Tk'ulb'il tujal aj nyatx tk'wa'l. Q ate aq'unon, totzqi' ti'j aj nkyk'u'lu', b'ix oqtex tzip'a tuj u'j, aj nyatx tumelil b'ix aj nya'tz ky'i tule'l, oqtex lamo' tuj xk'o'p qaq qa lajun aq'b'i' tuj xk'o'p b'ix xhchojotz kab'e' winaq lajun latzaj tmin qa qal latzaj tmin."

Kab'e winaq lajun tuj jweb' txxolb'il.

Aj toklen tz'aqtzlet tuj txxolb'il 301 tuj kyik'b'il pujb'il il, ntq'uma' tajlal 17-73 kawlamaj twitz paxil, aj okaj ikxjani':

"txxolb'il 301. Kayb'il winqab'il xjal.

Qa at alb'l nxik tzamo' tib' tzan tk'ayin palj xhchijel xhijel xjal, aj itz'o'j qa kamnaq, oxe'l tuj xk'o'p jweb'e' aq'b'i' qa tzun lajun aq'b'i'.

Kab'e' winaq lajuj tuj qaq txxolb'il.

Tjawlen ky'explet tuj tkaji' tajlal. Tuj txxolb'il jun titza' kyaq'il aj ntq'uma' tetz te kyik'b'il pujb'il il, ntq'uma' tajlal 17-73 kawlamaj twitz paxil tjawlen ky'exb'e', aj tkajlen ikxjan:

"tkaji'. Aj iq'b'ib'l. tqelen iq'i ti'j tnap'l te xjal, tb'ay nkye ok lajo' ti'j. tkab'i' nkye ok xob'sa', k'ontil ntnimsa' tk'u'j, nok tzwa' tkyab'il b'ix k'ontil nel ti'j tk'u'j, naqe' ntzanije' k'ontil ntcolo' tib', nel tik'o' tib', nqet b'an xneno', nqet b'an eq'i' ti'j, nok kyxob'sa' tzan k'on tqanin tmin tzan k'on tloq'onti' tetz. Ate' kyila'j kye iq'imj tzan paj je ponaj kynab'l, qan aji tetz oqtel eq'in qa oqtel eqi' ti'j."

Kab'e' winaq lajuj tuj wuq txxolb'il.

Aj toklen tzaqtzlet ti'j kyaq'il tetz te kyikb'il pujb'il il, ntq'uma' tajlal 17-73 kawlamaj twitz paxil, te txxolb'il kaj, okaj swa' ikxjani':

"txxolb'il Qaq. Qa te il tzan kyikla' kyuky'il kye tal k'wa'l tzan tpaj nok kyalajo' ti'j aq'unj, eq'i kyitzb'alil tal k'w'al skat, eq'i' ti'chq aj kyetz tal k'w'al, ax aj nya'tx kyetz tal k'w'al, nkye ok lajo' tzan kykaj ky'aqwaj, nqet ky'exb'e' tal k'wa'l ky'i' junky, njaw ky'exb'e' tujal, nqet kyk'ulu' uj aj nya'tx tumelil, tzaj len tila' kyaq'il te il nlay b'antik tel tkolo' tib'"

JWEB' TOQIL

TZAN TOK SWA' TILIL TE IL TZAN TPAJ NKYE QE' EQ'I KYE XJAL

Kab'e' winaq lajuj tuj wajxaq txxolb'il. Omb'il.

Xikeln tejku' kyil kye iq'il kyij xjal, lajome tzan tqet kychojo' b'ix tzan xik kyone' ab'e' aj je qet kyin ti', kyaq'il aj onajslet kytiza', qa k'onti'l nqani te xjal iq'maj, kyaq'il aj ntzan ochojotz.

Kye qa omb'il poyon tuj kyq'ab' te k'walb'aj, qa qetq tnaj te xjal iq'imaj.

Kab'e' winaq lajuj tuj b'eljuj txxolb'il. Tpakb'alil titza' tok te il.

Tzan xik kyq'uma' tpakb'alil te il ikx titza' ntq'uma' te ja kawlamj, ikxji' te pawal il oqtel xima' toklen te xjal iq'imaj.

Ox winaq txxolb'il. Tzan token kye kawlamj tzan kytzyet kye eleq' b'ix aj eq'il kyij xjal.

Tzan tb'antik kytzyun kye xjal iq'sal il, wokeyon kyaq'il kawlamj, tzan xik eq'i' tilil til, wokeyon ky'ila' omb'il te kyetz, ikx titza' kawlanj tzan tb'antik kyjoyon tlok'il te il, ntq'uma' tajlal 21-2006 kawlamj twitz paxil.

Ox winaq tuj jun. Ikx titza' ntzaj kykyaqla' te il kyij xjal.

Wokel e'e titza' tzajlen xhchukla' te il ikx titza' ntq'uma' te kawlamj, b'an ax qa nyatxji', wokel tz'aqtzlet ikx titza' nyoli' te kawlamaj.

QAQ TOQIL

KOLB'IL KYETZ AJ KOLIYON KYI'J XJAL IQ'IMAJ.

Ox winaq tuj kab'e' xtxolb'il. Kawlamj aj b'an tzan kyoken.

Tzan kykolet kye kolijon q'umal tumelil il, okye okeyon kyaq'il kye kawlamj titza' ntq'uma' tajlal 70-96 kawlamaj twitz paxil, tzan kyqet kolo' kye xjal aj wab'ame' tzan kypujun il.

Ox winaq tuj ox xtxolb'il. Mulón aj wab'ame'.

Twitzale' kawlam a'qunj, twitzale' e'el kyij kyajb'en xjal b'ix kye b'etza' il, aj kawlal tzan kyq'uman b'ix kyjoyon kynajb'il xjal ax tzan kykolon kyij xjal aj q'umal tumelil te il, kyuky'il kye k'oloj aq'unon teitz qamaq' b'ix tetz junky amaq'.

Ox winaq tuj kaj xtxolb'il: kolb'il kyij xjal aj nkye q'uman aj able' nkye ipan il. Tqetlen kyjoyo' titza' sten te xjal, qa kye mulón kyotzqila'tz kynajb'il, aqetel kyjoyo' junky xjal aj oq'umayon titza' atqet te xjal ikxtzunji' tzan tqet kolo' ntq'uma' tajlal 70-96 kawlamaj twitz te aj Aamaq'.

Te xjal okajel tuj kykwent kye mulón max wajel tzoqpi' qa k'onti'lky il ti'j.

Qa te xjal axik tuj tunkj amaq', kye mulón okyswatz tpakb'alil kyuky'il kye muluj tuj tamaq' tzan tok cha'o' tpakb'alil, titza' atqet te xjal ikxtitza' ntyoli' te aj tz'b'amaq, tzan tb'antik xik one'.

Ox winaq tuj jweb' xtxolb'il. Tzan kyxik yolin b'eyx.

Te xjal aj nkyik il ti'j b'ix te q'umal tpakb'alil til at kyoklen tzan kyyolin tuky'il kyq'e'al qa ky'i junky xjal aj kyotzqi'.

Ox winaq tuj qaq xtxolb'il. Q'umb'ib'l.

Kyaqil pakb'alil aj tq'uma'tz te yoliyon welax q'umlet tuj k'uxb'il ikx titzq' kyqanitz. Ax okye b'aj qanletel kye xjal q'umal tpakb'alil te il qa talon atqet tuj junky amaq' ax owokel txoko'.

Nlay b'antik kyok ten naql kykab'il te ilal il b'ix te aj nky'ik il ti'j.

TNB'ANTIK STEN TUMELIL

Ox winaq tuj wuq xtxolb'il. Tzan tqet oksla' te tz'ib'al tumelil oj kyqe iq'i ky xjal ti'j kyoklen.

Te tzib'al kyajlal xjal aj nkye qe iq'i' ti'j kyoklen, b'an tzan tqet tk'u'lu' jun kawlamj ky' jun tajlal tuj ox winaq tuj lajuj ikx titza' nyoli' ja kawlamj.

Ox winaq tuj wajxaq xtxolb'il. Tajlal tmin.

Oxel kawlet te twitzale' tzan xik tin ky'i tume'l te a'qunj b'ix kajel tz'ib'let tuj te uj, ky'i nim tmin, tzan tjaw tin tib' te aq'unon ky'ij xjal aj jekyeqe' eq'i' b'ix aji tetz wokel e'en titza' atqex tuj te kawlamj. Tuj te ja ntzan, ojowel tzyulet txq'an twi kyk'u'j kye xjal iq'imaj.

Kyaq'il te aj tmin pawamaj tzan xhchojlik te xjal iq'imaj, a te tz'ib'on oxel eq'in tajlal, titz'a kawlamj kytiza'.

Kyaqil te ja ntzani' ob'antel tk'ulet ikx titza' ntyoli' te xtxolb'il ja ntzaj tik'lel.

TITZA' NMANKUN

Ox winaq tuj b'eljuj txxolb'il. Kyak'lb'il.

Tjawlen ky'explet te tajlal b'ix kyb'in techalul kab'e',
ox b'ix kaj tuj te toqil tkab'i' u'j, b'ix kye txxolb'il 87,
pawamaj tb'eljuji' aj ntyoli' " aj nkye eq'in ti'j xjal" 175,
176,177,178,179,180,181,182, ax tuj 187,194, 236,
b'ix 237 ntq'uma' tajlal 17-73 kawlamaj twitz paxil,
yik'umaj tuj tilil il.

Ox winaq lajuj txxolb'il. Tzan token.

Ob'antel token ja kawlamj qa qet tex tx'olb'a' tpakb'alil
tuj lajuj jweb' q'ij.

B'AN TZAN TPON TUJ KYQ'AB' KYE IQ'IL TILIL,
TZAN TEX KYTX'OLBA' B'IX XIK KYQ'UMA'.

K'ULUMAJ TUJ NINJAYIN TWITZ PAXIL TZAN
KYE KAWLAYON, TWITZ PAXIL, TUJ TQ'IJLAL
TB'AY QYA' TE AQ'B'I' TUJ TAJLAL TQ'IJLAL
LAJUU TUJ WAJXAQ Q'IJ TETZ AQ'B'I' 2009.



